

怡園詩集

壬寅二月初吉

劉焯子志謀少



833542

怡園詩集

光緒壬寅  
琴朝開雕





晉齋弱冠集

古體

讀史四首

吳橋王廷珍叔重著



我愛曾仲連嶽嶽天下士仗義不帝秦願蹈東海死  
排難解紛爭千金烏能市長揖謝平原飄然徵素履  
生當濁世間志節原如是獨惜聊城台多事書一紙  
我愛賈太傅文章四海傳治安書三上國是策萬全

憂盛危明意懍懍若冰淵經綸既在抱器識尤爲先  
迹非屈原比胡爲哭棄捐無病而呻吟宜不永其年  
我愛許子將人倫有臧否一語識阿瞞與人無濫美  
千秋月且評藻鑑儔與比持論惜太嚴擯排及昆弟  
何若寬其途聞義或能徙林宗不絕人左原成善士  
我愛彌正平漁陽三弄鼓鷲鳥雖累百一鷲羞與伍  
高談驚四筵下筆賦鸚鵡生不際盛明振翼墜網罟  
羽毛宜自惜盍觀山雞舞嶽嶽隆中賢高卧待真主



文昌閣古柏行

城頭虬柏鎖凍翠，風霜受飽煙雲醉。不隨世態變炎涼，獨抱晚節成大器。飛來泰岳五老峯，托根幸依文昌宮。峻嶒傲骨得位置，一覽塵埃萬彙空。斜整兩株何年種，依序成行若伯仲。遵時養晦質獨完，漫嗟材大難爲用上接。碧落萬仞梯下瞰，蒼茫百尺溪槎枒。挺出秋鶻健，凡鳥頡頏不敢棲。樹猶如此知音寡，古姿矯矯擬大雅。熱不因人童子鴻，老當益壯伏波馬。

二

怡園

我家祖居附城陰，枝柯常見綠森森。偃蹇幾時逢青眼，莫負天地栽培心。月黑風號天色暮，落寞之鄉亦可住。春來霹靂一聲雷，化爲二龍挈空去。

贈劍行

客從塞上來，贈我三尺劍。連環吐月起光芒，黯然秋水搖素練。豈是豐城獄裏埋，或從歐冶鑪中鍊。不平之氣日久凝，未消抑鬱光詎斂。我本燕趙悲謔人，手把芙蓉目不炫。持之欲斬佞臣頭，草茅空負批鱗念。



持之欲破諸賊虜虎符未握焉用戰受無所施仍還  
君物別知已亦戀戀餘寒滿室淡不收長留紫氣貫  
斗牛

輪車行

君不見瞿塘峽口盪輕舟千里江陵一日遊又不聞  
長房仙翁縮地法天涯頃刻相欸洽我欲乘雲向空  
舉身無肉翅飛不起西人妙製火輪車六丁六甲共  
擢挈同坐不下二千客轉瞬度阡更越陌初如颯輪

三

怡園

羽騎導我空中行耳畔謾謾罡風生又疑鉗且大丙  
馭元氣鞭策風電嬉環顧村墟林落半翻飛目炫不  
暇問是非迅疾奔馳無簞簸坦坦穩於屋中坐計里  
二十有四更朝發天津午燕京試爲題詩狀出沒提  
筆喑啞天地窄堯舜至今四千年可將眼界傲前賢  
何物鬼奴逞能運機巧世路平陂無難拘鬼斧神斤  
萬古奇祇是鐵軌斯須不能離吁嗟乎循途而行難  
改轍西人之巧西人拙



近體

自遣

長夏渾無事幽齋不夜眠  
澆胷書當酒容膝屋如船  
性懶非因病身閑勝似仙  
新荷浮小葉壓卻月珠圓

雨後遊春

平野夕陽西荒烟望欲迷  
浮雲連地暗遠樹壓天低  
綠鰕魚鱗浪紅銜燕嘴泥  
行歌歸緩緩輒踏白沙堤

中秋北闈懷李毓卿

四

怡園

各赴秋闈去萍蹤久莫尋  
料知千里月分照兩人心  
舊雨濟南賦新詩薊北吟  
不眠聽玉漏警我故沈沉

謝文節

衣麻東向哭天地爲唏噓  
恥作圖存計連揮卻聘書  
夷齊無負我牛馬任呼余  
故物留琴硯精靈萬古儲

端陽

把酒慶端陽新開艾葉觴  
日凝兵氣黑風捲敵沙黃  
塞北軍書急臺南羽檄忙  
醉餘時墜淚誰與話滄桑



憶舊遊 四首

昔下天津館人烟異古時火輪馳水陸電線接華夷  
面目憎羅刹波瀾漲淀陂滄桑餘感慨買醉大河湄  
赤日通州道西山入望真心雖盟白水足總踏紅塵  
惟我嗟勞瘁伊誰訴苦辛小樓濃樹下屈指數行人  
招我同遊客閒觀十刹荷調冰銷暑易隔水受風多  
葉密魚爭戲花香蝶引過此身圖畫裏對酒且高歌  
渤海西偏路新滄亦建州煙迷津樹月路接海門秋

五

怡園

耕織功無息魚鹽利可收一聲河滿子淒咽木蘭舟  
愛吾廬雜詩

疏慵無計謝毛錐身寄鵝籠亦自知好閱古今常讀  
史怕爭勝負不彈棋別來舊雨時通信訪過名山輒  
入詩二十餘年鑽故紙頭銜贏得一書癡

王家故物剩青氈十畝先疇好服田座上歡呼酬客  
酒囊中羞澁買書錢營巢無術知鳩拙抱撲難售愧  
象賢甕牖慣饒寒素味願將瓶鉢結僧緣



詠吳川古蹟四首

項王祠

城南十里問荒村赫赫靈祠項氏尊  
八面威生風粟烈重瞳氣傲日  
沉昏烏江事敗英雄恥赤帝功成運  
數存慷慨悲歌燕趙士同來瞻拜奠清樽

孫子墓

策馬來尋孫子墓萬松陰裏起高邱  
殘碑橫卧青苔濕野寺虛關白草秋  
餘恨能酬龐豎子用兵不滅武

六

怡園

鄉侯功成一戰英雄老終古斜陽照石牛

乾石橋

誰築吳川百尺橋行人絡繹跨虹腰  
蹤留河郡名俱古利涉鉤盤路不遙  
斷岸至今猶約略長隄自昔已蕭條  
慕容伯業隨流水藜杖閒來弔北朝

碧霞宮

遊人爭說碧霞宮殿宇巍峩入畫中  
爽挹北吳山氣紫神來東嶽海雲紅  
河千古木時啼鳥隄外長橋遠



跨虹最是城南風景地玉皇閣上試臨風

晚秋自河間歸道中作

疏林黃葉響風乾草莽芟除驛路寬  
奔水攪烟雙鷺踟躕雲捲日一鷹盤  
墓荒馮道碑橫跌橋斷劉麟石  
亂攢秋景欠他山數點那來螺黛撲征鞍

四哀詩 四首

淒風苦雨晝冥冥昨夜文壇墜大星  
柳冕空懷博一第顏淵無計得遐齡  
居遊已結三生契訓誨時深五

七

內銘白馬素車臨奠日知交惟我淚先零

紀慧生前輩

瀛洲路上話平生偶爾同車便有情  
體羸如君憐衛

玠愁多若我愧張衡十年舊雨銀缸對一夜悲風玉

樹傾翹首安陵佳氣盡酸辛無限淚縱橫

于蔭桐同人

忘年交誼近來稀每到都城便若歸  
累世梓桑稱莫逆頻年雞黍敢相違  
清明屈指人猶健端午驚心事

已非明歲扁舟將北上撫膺不忍望京畿

金鑑廷老友

江湖染翰舊生涯萍水相逢便是家  
廿載行蹤真潦



草一般禪意付空花  
虞淵日薄人何在  
苦海波生事已差  
壯歲曾遊潭柘寺  
何如長住老煙霞

畫師章漢和尚

### 除夕

冰霜閱盡入韶華  
潦倒依然念未差  
柏酒椒盤新歲月  
綿袍絮帽舊生涯  
紅箋裁就宜春帖  
銀燭結成報喜花  
也學閬仙開祭宴  
新詩一卷笑塗鴉

### 浩謔

萬努靡涓射千金  
漂母酬英雄圖報復  
最快是恩讐

怡園

八

### 明妃詠

一去胡氛息  
簪纓有幾人  
如何麟閣上不畫  
女功臣

### 其二

自恨容難寫  
何嘗怨畫師  
當年如得幸  
青史幾人知

### 春閨曲

七寶欄干白玉台  
珠簾翠幙擬蓬萊  
穠華恰稱神仙住  
中有謝家吟絮才

花鈿慰貼上妝樓  
仙骨珊珊莫與儔  
借問名姝誰得



似環肥燕瘦盡含羞  
春衫初試淡紅綃帶結丁香穩繫腰玉步有時臨曲  
榭湘裙風裊露雙翹  
鍼神譽起遠流芳南國佳人巧擅長細捻香絨輕疊  
錦消魂都爲繡鴛鴦  
春寒一縷透窗紗香夢初尋枕角斜風動鈴聲驚坐  
起月鉤挂上合歡花

柳色初黃草色青夜來風雨耐人聽淚痕怕被侍兒

見暗蹙雙蛾向畫屏

閒調鸚鵡學吟詩唱出前宵自製詞最恨花前聲百  
轉暗拋紅豆打鶯兒

海棠開向小窗陰折得閒枝插鬢簪春色滿頭人不  
管賺他蛺蝶撲衣襟

階前無計惜殘紅一片西飛一片東燕子雙雙能解  
意鞦韆索上罵春風

金樽甫對卽眉顰未許提壺去買春生怕醉餘紅暈



頰蘭陵美酒不沾唇

添香輕拂鴨爐煙繡佛花奩早結緣只願爲儂除懊惱蒲團危坐學參禪

紅羅莫繡踏青鞋不出深閨未是乖那得江郎五色筆替人委曲寫幽懷

雕蟲詩

丙申夏大爲么麼者所擾迺分其類各贈以詩名曰雕蟲取壯夫不爲之意也

蛙

十

怡園

池塘閒步雨初晴綠草如煙路漸平爲問羣蛙何所怒驚人齊作不平鳴

蠅

趨炎附熱一羣青黑白能迷信有靈只恐秋深霜露降也應無計惜飄零

蚊

一交薄暮便成聲逐隊飛來似絮輕爾輩焉知人痛癢惟將毒口苦相縈



蝨

陰機自負託諸禪腹背搔除不見痕莫怪目中無子  
輩本來渺爾不堪捫

蟻

分門別戶苦相凌兼弱自矜小慧能同類傷殘終是  
幻夏蟲不可語寒冰

蛛

託人宇下竟如斯藥裹書籤半胃絲自意燈前能送

喜空中結網忍相欺

蟬

一聲長唳樹千章倦極不能入夢鄉莫謂憑高無禍  
患須知背後有螳螂

蠹

蠹民蠹國志猶虛利口惟知壞我書願體好生天地  
德展開黃卷走蟬魚

蝸



崢嶸頭角是蝸牛浪得虛名不服晴雨後遺涎污我  
壁還將古篆詡風流

蝸

黃蜂有毒尙尋窠此物陰傷竟若何報復有時能捉  
汝請君入甕漫云苛

瓶花

膽瓶貯水對窗開偶向花村摘豔回蜂蝶不知春有  
主紛紛猶自撲簾來

七



歷下紀遊詩叙

德水李君毓卿問於余曰歷下之遊樂乎余曰然君曰海右山川之美古來共譚者也不有佳作何伸雅懷是遊也得勿攜新詩來乎余曰否君曰子之行也困於暑及至苦於雨迨歸悻於水征塵未滌又有河郡之役蓋無暇及此耳雖然子之蓄志久矣夢遊之詩我尚記焉儻身臨其境悠悠風景錯過不將使魚鳥笑人哉子盍爲我述之余曰諾

光緒二十四年小陽月怡園主人自誌



歷下紀遊詩

吳橋王廷珍叔重著

過平原

平原工相士交臂失毛生塵世誇青眼茫茫幾個明

宿晏城驛

一夜喧嘩甚燈昏倦不眠歡呼商僮酒懊惱妓雛絃  
飲馬溪流澈驅車嶺月圓濟南從此近洗耳向清泉

渡河

昔日大禹鑿龍門黃河一派落崑崙蜿蜒東流勢不  
返銀山壁立雷霆奔地平天成安夏甸滾滾入海蛟  
虬戰至今滄桑幾變遷取道始由齊河縣驛使絡繹  
馳星軺汪洋不見石頭橋水面橫亘六七里誰挽鐵  
弩射怒潮扁舟一葉泊前岸艣艫搖櫓揮雨汗奔騰  
砰礪鬼神驚客子臨流盡扼腕朝霧初開紅日高不  
畏險阻屬吾曹燃犀欲瞰鼉鼉宅全仗忠信涉波濤  
隨波上下身如寄沙鷗飄飄遊魚戲中流若逢祖士



雅擊楫大呼請振臂累年河決不可降洪波汜濫勝  
長江美哉禹功誰繼奏挽起狂瀾手憑雙轉瞬登岸  
解帆席耿耿仰視天光碧他日乘槎斗牛宮拾得織  
女支機石

大隄

長堰通官路垂楊染客袍車聲泥濺啞馬影日迴高  
道左人烟聚河干水厄逃金湯誰奠定賢撫舊勤勞

到郡

三

石郭鬱崔嵬通衢不染埃雕鞍公子過紈扇美人來  
山勢孤城抱泉聲百道開宛如遊海市幻出好樓臺

明湖泛舟

僦屋明湖畔晨起放輕舟臨風一捲幔四望何悠悠  
濟南名勝地昔日曾夢遊一水清如鏡涓涓半城流  
神祠拜古像仙娥弄清謳蒼烟盤九點厯落數齊州  
半空清磬響漆園幻境收今朝掛帆席湖上豁吟眸  
風景依稀認一一可搜求豈是前生到絮果証浮漚



不然山靈招縹緲現瓊樓處世皆大夢是否問沙鷗  
試傾杯中酒坐對鵲華秋

小滄浪鐵公祠歌

滄浪之清兮可以濯我纓烈士之節兮可以勵我貞  
慨自建文紀綱墜靖難師來窺神器膏梁豎子握兵  
權腐儒幾敗乃公事白溝大潰羽檄聞濟南奮起鐵  
參軍拔劍誓欲迴國步激昂雷霆吐風雲燕人怒決  
黃河水城中遊魚生釜底開門誘敵氣數存千鈞鐵

四

板擊不死不論天道論人心孤軍力竭遂就擒一唾  
元武掩面去神靈也知慙愧深嚴將軍頭可斷顏常  
山舌可爛丹心耿耿不可移精魂撲滅油鑊爨見危  
授命志靡他殺身成仁節不磨邇來五百有餘歲常  
留浩氣壯山河守土於茲宜食報蒼松翠竹瞻廟貌  
佛公建祠覃溪碑春秋致祭工祝告靈之來兮濟城  
邊鬚眉飄動北渚泉遊人何處尋古烈香風撲門開  
白蓮



謁張勤果祠

南山撲眉濃翠鞞北渚豁眼寧青鎮倚城巍峩誰氏  
祠居人云是張勤果張公兼秉文武資投筆從戎少  
年時千錘百鍊成鐵漢奉檄協助湘陰師羗人乘隙  
久倡亂慷慨誓師來酣戰一搗鼙鼙巢穴空渠魁就  
殲眾鼠竄倒挽銀河洗櫓槍回纆羅拜郭汾陽萬里  
拓土書鴻烈建節來撫齊魯疆黃河汎濫功未訖利  
濟生民費穿掘山東一路誦福星海右萬家呼生佛

五

剖晰明決滯獄稀外夷馴伏懾神威間閭疾苦體恤  
至飢者得食寒者衣賑濟凶荒救累卵鶴俸擲盡簞  
洋欸食少事煩過勤勞救民敢存一息緩三台忽折  
星象呈天不憖遺老宰衡大風飄零甘棠樹寒日蕭  
瑟芙蓉城保彼東方留惠政前賢經綸誰可證鞠躬  
盡瘁武鄉侯後樂先憂范文正遺像清高俎豆馨婦  
孺跪拜泣涕零我來歷下瞻廟貌願留數語當鐫銘  
公之材兮國所賴公之德兮民所戴靈佑爰於湖山



兮永俾是邦以無害

曾南豐祠

儒生忽現宰官身海右承風誦吏循北渚荷分香一  
瓣西齋槐閱世千春橋頭日影空沈璧湖面波光自  
疊銀魚鳥承流宣靜化飛潛宛若昔時馴

閻文介公祠

湖雲城樹碧籠烟文介祠堂別有天採石疊山生翠  
蘇開池引水種紅蓮關中佳氣菁英毓海右官聲婦  
孺傳說與斯邦求治者須將清介繼前賢

北極廟

靈祠赫赫鎮湖山殿宇軒昂草莽刪保彼東方千里  
祝拱如北極眾星環樓觀滄海煊紅曜門對奇峯撲  
翠鬢石磴晶瑩四十級階升爭欲觀天顏

滙泉寺

慈雲一片護齊州蘭若臨溪指鷺鷗貝葉聲飄香案  
雨曇花彩煥曲廊秋淥槃演法聞梵語寶筏通津解



佛愁傑閣凌空呈色相斜陽紅對滙波樓

歷下亭夜遊遇雨

扁舟一葉泊前汀乘夜來遊歷下亭坐久不知涼氣  
透斜風吹雨溼衫青

水西亭子院東樓賴有迴廊帶雨遊一洗人間箏笛  
耳菱荷聲裏十分秋

鵲華山烟雨歌

鵲山深秀華山濃屹立一掩復一重倏忽山頭潑淡

七

怡

園

墨雲氣天矯隨飛龍冥冥疑是山間霧黯黯失卻山  
前樹隱約舉目溼氣中雨朶芙蓉含宿露烟蓑雨笠  
上明湖山色雲影兩模糊安得松雪老人筆再畫鵲  
華烟雨圖俄焉斜陽撥障翳石髮撩亂不成髻烟收  
雨散休歸來鵲華橋上看晚霽

登閻公祠山亭

疊作山巖勢山巔起小亭苔紋盤磴碧松色上簷青  
採石規成几呼雲截作屏開樽清話久時有鳥來聽



登滙波樓

獨據城樓勝登臨萬象空窗涵山氣紫簾捲海霞紅  
畫野分齊甸摩霄仰岱宗元龍負豪興高卧孰爭雄

明湖觀漁

傲煞漁家樂蓑衣擁一團迎秋蒲柳早帶雨菱荷殘  
觀釣人扶傘垂綸鯉上竿明湖烟景好底事覓嚴灘

鵲華橋晚眺

彩虹天際落恰對鵲華山雁序峯尖比龍騰水勢彎

八

怡

園

早秋迎柳外新月透松閒南向憑欄處漁歌自往還

山行

峯巒幾層失行漸入山深峭壁長松掛風喧萬壑音

登千佛山

君不見歷城南郭聳奇峯山路蜿蜒走虬龍松柏沈  
鬱萬株封我聞登山蹶然起玉欄石磴蒼翠裏兩腳  
蹴踏白雲底一聲清磬出上方玉殿嵯峩供梵王釋  
迦彌勒石龕藏佛壁古畫五彩煥貝葉隨風飄玉案



彷彿天女琪花散飛來齊烟九點青諸峯羅列若圍  
屏望遠須上一覽亭坐中鵲華飛翠靄眼底濟河飄  
玉帶恍然置身諸天外友人導我登絕頂一推一挽  
不敢騁履高踐危忽猛省南望泰岱接日邊笑兀聳  
峙鎮垓埏可知天外別有天歸循仙梯足欲跛鵠立  
迴視雲一朵行行村墟半篝火

水磨歌

水磨機巧亦何深良工製造費千金造化妙奪陽與陰  
運用水力思獨沈雪浪噴花怪龍吟乾坤旋轉難推  
尋西人藝學漸駸駸愈出愈奇不可禁有機事者有  
機心

秋柳園

明湖泛綠水不波歷亭四面開菱荷轉過柳陰烟籠  
樹忽到漁洋讀書處濯濯丰神當年姿風流儒雅吾  
師資山人評詩論最篤多事忽來談龍錄神龍見首  
不見尾偶露鱗爪言深黠明季詩派累疵瑕山人正



之以風華學風華者轉粉飾秋谷持論尙清刻畢竟  
兩說各擅長合則兩美分兩傷新城館山俱往矣杳  
杳何處質其理秋柳新詩在人閒朗吟數過爲開顏  
景仰先型奠清酒綠柳陰中虔拜手

曲水亭品茶

鏘金漱玉聽泉聲小坐亭前茗試評羨彼迴環三面  
水出山不異在山清

玉華樓會飲

瓊筵會飲玉華樓腳下泉聲滾流流醉後香風時入  
座分來北渚菱荷秋

酌奕泉

石欄面面曬斜陽一鑑平開半畝塘噴出銀花三疊  
浪飛聲穿過呂公堂

黑虎泉

誰從虎口脫餘生空賸流泉一道清吞吐看他頑石  
下風來疑是嘯林聲



金綾泉 尙志堂四詠

綠槐院落翠筠籬  
白玉欄干碧玉池  
風皺魚鱗微浪起  
淨光萬道走金絲

悠然亭

綠蕉叢裏起高亭  
八角朱欄跨小汀  
不是東籬採菊地  
悠然也見佛山青

投霞井

琉璃小井傍池開  
一派清漣出石胎  
說與仙人須暫

士

怡

園

住加餐尙有斷霞來

虛受堂

閑廳寬敞白生虛  
空洞何曾一物餘  
願把人閒盈滿者  
移來此地十年居

七十二泉歌

君不見九河朝海會  
天津大波瀾  
兮小波淪  
瀦爲七十二  
沽疊銀鱗  
又不見濟流伏根環  
歷下明水抱  
兮暗水跨鑿出  
七十二泉穿石罅  
津沽泱泱濁浪生  
濟



流滌蕩澈底清名泉八擅齊魯勝葱葱佳氣鍾厯城  
千態萬狀難悉數鏗鏘錯落無朝暮或如瓊蓮千朶  
結剝蝕隨風霏雪屑或如明珠百斛懸晶瑩耀日落  
玉盤或如北平夜挽弓勁鏃沒入石棱中或如秦廷  
晝擊筑激商震動嶠函谷清冷或如露滴琴噲吟或  
如地擲金剽急或如鷹搏鷲舒緩或如酒過漉飛瀑  
一去或不同激湍旣往或復來無聲寂或開玉鏡不  
已滴或緣石磴幾費穿鑿出雲根北湖容納勢若吞  
合者必分分必合奔馳齊到滙波門聞著蠟屐來搜  
美一滌凡襟洗俗耳願將清流盟我心活潑常如源  
頭水此遊頗覺塵氛澄所聞所見紀不勝安得松雪  
丹青筆一一寫入剡溪藤

明湖採蓮曲

桂棹兮蘭槳荷衣兮荔裳翩翩兮翠袖娥娥兮紅妝  
渡鵲橋兮卻顧登鷁艦兮翱翔攜燕姬兮與越女遊  
水國兮雲鄉楊柳如絲兮荇如帶芙蓉爲家兮蒲爲



牆紅蓮脂兮白蓮粉白蓮淨兮紅蓮香乍彷彿兮西  
子旋綽約兮六郎解漢皋之瓊佩兮飲雲英之玉漿  
日麗艫窗兮絢爛風隨紈扇兮芬芳藕絲雪兮潔白  
蓮子剝兮淺黃花嬌嬌兮欲語葉黯黯兮無光伸纖  
腕而遲迴兮束玉手以徬徨採復採兮不忍採恐驚  
睡穩之鴛鴦願同心並蒂以爲樂兮樂且無央

明湖鮮藕歌

明湖無波清見底蒲芽蘆芽肥且美水中物產任取  
求一寸青蝦尺半鯉沿溪曲曲種白蓮花開十里簇  
雪團把杯苦無下酒物玉藕數節出波鮮剝皮旣須  
湘竹箸拭泥更用香荃布和以飴糖佐以醪玲瓏滿  
盤新餐助初如水濺齒牙涼繼如雪沁肺腑香細膩  
潔白無渣滓第一佳品壓東方肥桃蘋果競奪席甘  
美相較仲與伯祇解醲醲不解清笑煞人間肉食客  
昔年曾作京師遊十刹海邊菱荷秋嘗鮮買得同心  
藕眾口嘖嘖詔風流今日一嚼便覺異海右菁華更



足貴歸去勿使北人知防他與我爭此味

中元竹枝詞

龍旗鳳扇燦成行  
鹵簿前驅一騎忙  
神像也行僚屬  
禮縣城隍拜府城隍

人推車子上街頭  
並坐西風穩若舟  
姊妹相逢都作  
禮羅裙不掩小蓮鉤

好隨神駕出東門  
士女奔波不憚煩  
扇影衣香齊耀  
彩繁華隊裏過中元

古

眉描翠黛粉施紅  
紈扇斜遮夕照中  
翦紙招魂南郭  
外佛山對面哭秋風

儂家門巷隔前溪  
轉過橋東路不迷  
垂柳陰中君記  
取紅樓斜對百花隄

厯下亭邊秋水清  
隨風蕩出撥絃聲  
扁舟幾隻往還  
渡無數人來看月明

深閨刺繡幾停針  
誰識虔誠彼美心  
親製芙蓉燈兩  
朶匯泉寺裏供觀音



帶月閒登北極台層層石級晚烟開有人偶向花邊  
立疑是淩波仙子來

張公祠宇最巍峩凹字池塘種芰荷貪看蓮花忘路  
溼弓鞋稍濺繡紅羅

夜深還上小滄浪明月當空照曲廊萬盞河燈飄水  
面驚飛葉底睡鴛鴦

河決自晏城買舟赴禹城

車馬蠶屯晏城驛行人臨流爭度疾汪洋何處辨津  
涯風捲濁浪滾寒日此道前月我來游禾稼被野綠  
油油一犁涼生瓜蔓水半夜香飄豆花秋日月幾何  
不可識大河決口湧原隰深淵旣臨吾濟乎飛渡恨  
不生雙翼洪水汜濫十數春今歲風浪更愁人萬頃  
桑田成滄海千疇菽野駐波臣高岸衝激爲深谷窮  
檐逃命依林木釜底波生魚蝦遊庭中霧暗蛟龍伏  
天光接水水接天誰作舟楫濟巨川人皆踊躍鳴榔  
去我亦買得瓜皮船一棹衝突怒濤裏此身幾欲瀕



於水榜人鈍極不敢驕終日力行六十里隨風顛簸  
輕若瓢黃昏始抵禹城橋酌酒共將更生賀醉中屋  
小如舟搖



跋

余性好讀古人詩而未嘗一爲之蓋自漢魏以至於今詩之變化窮矣格律盡矣其體製大備而不能創也徑途各出而不能闢也自賦景歷情以及乎醞酢往來人事之叢細蟲魚鳥獸物態之妍媸凡吾所矜爲心得者前之作者皆已及焉故矜奇絕險不則於古則詭譎而不雅循聲按律盡襲於古又數見而不鮮以此知是道之非易易也然雖心知其難又嘗欲

七

怡

園

於期月之間竭力以從事焉以試其可爲與否而卒未能也戊戌夏余兄有濟南之行歸述所見各紀以詩得五十餘篇名之曰歷下紀遊發而讀之犁然有會於余心因而思造物之所藏山川之所秘不有詩以洩之皆黯淡而無光由是以觀此道又烏可忽乎哉余兄性淡泊無所嗜惟癖好吟詠自髫齡以至壯歲其所積不下數千首而洋洋大觀當以此編爲最何者蓋立法雖無取乎矜奇絕險而意義之新穎皆



窮極其變化體製則漢唐宋元也徑途則韓白李杜也循聲按律之中奇特之氣溢於言表欲尋其所從入之途而莫可尋也苟非真積力久焉能則於古而不與之相似乎至其卽境杼指因物達情悲憂喜愉一發於性情之正而意言之外常有冲然以和者此其生平夷險一節務自刻砥以盡其道而無怨尤者然也故其詩象之如此而世之讀是詩者亦可以見余兄之崖略焉爾

季弟廷珪敬識

大

怡

圓



自敘

是編爲庚辛兩年所得詩庚子寓柘園辛丑家居嗟  
乎此兩年中尙何暇言詩哉自夫天狼略地雁昭  
芒假神之眾方疑巫蠱之獄旋起遂使外人乘釁內  
地跳梁津橋則拔幟先登潞河則亂流競渡蓋世運  
之變亟矣吾吳僻處畿南彈丸叢爾風鶴之警入耳  
忧心冒雪流離戀戀依人之烏望門投止蹙蹙寄居  
之蟲乃不得已以酒遣懷以詩排悶醉後狂吟初不  
自知其工與拙也今海氛已靖吾輩方慶更生爰取  
舊作輯而存之亦創定思痛之意云爾時

光緒二十八年中和節怡園主人識



怡園詩集

吳橋王廷珍叔重著

庚辛醉餘草

老鶴行

金火稟精產陽鳥，貝吭纖趾瞻儀表。胎化俾爲羽族，宗嘹唳一聲入雲渺。養成修翎數十春，善舞蹁躑不迎人。耳目近玩非其類，未合仙姿老風塵。六翮舒展凌霄起，飛集玉堂侍君子。飲啄慣與鸞鳳羣，潭泉良

二

怡園

粟溶溪水山川形勢一舉知，天地圓方再舉時。大臣聞聲思納誨，染翰譜入鶴鳴詩。軒翥未遂身忽老，風霜鍛鍊羽毛皓。愛煞鬱鬱澗底松，一枝借棲殊潦草。嗟爾自負不凡材，摩空獨往還獨來。今日龍鍾無所用，果與凡鳥奚擇哉。老鶴聆之雙翼鼓，天矯盤旋挾風雨。爭食羞作雞鶩隨，託身恥同燕雀伍。閑雲野水日悠悠，繁華不羨江夏樓。湖海羅網無覓處，剝得老氣橫九秋。



效玉溪生體

凌波仙子綺羅身謝絕鉛華謫下塵  
麝腦微熏常拜月蛾眉淡掃不爭春  
從無足迹通蓬島空把心香祝洛神  
一水盈情脈脈意中人是夢中人

蛛網

憑空結撰妙無因天網恢恢仗此身  
羣醜么麼歸籠罩一元鼓盪出經綸  
團團象取中天月組織工成太古春  
吐囁非凡爭乞巧何如衣服被斯民

蟬琴

一聲激楚出寒林爭似無絃靖節琴  
古調獨彈黃葉曲清商宛助白頭吟  
風霜久鍊孤高性絲竹徐傳寂寞心  
珍重爾身冲漢翼飛來上苑借濃陰

河干散步

河流清見底商舶擁沙磯人語含愁苦  
天心問是非霞吞殘日沒風挾斷雲飛  
長顧無情緒新涼欲透衣  
癸巳秋予偕張敬之季弟珪登通州文昌閣



極遊觀之樂屈指於今已七年矣走筆爲此  
未卜何日復同遊也

通州城巔東南角朋儕讌飲作小約攀緣女牆次第  
行路仄嶽嵌穩著腳飛身天衢入碧空列宿拱位支  
昌宮捫參厯井上高閣疑在縹緲虛無中仰觀俯察  
畫本露三面蘆花四圍樹百千萬疊山西來七十二  
沽水東注羽客跨鶴朝上方茶鼎藥鑪半淒涼四壁  
圖書當世寶淋漓大筆燦琳琅勾留半晌消永晝潞

四

怡園

河書院在其右名士齊集望耕堂宇宙大文歸領袖  
東偏高起六角亭曲曲欄干試來憑一聲長嘯秋色  
老暮煙凝紫天垂青壯懷長恨瀛寰窄屈指七年光  
陰迫高卧不懸少文圖遠遊思著謝公屐嗟余目力  
病且殘未老花似霧中看一邱一壑胸中有何日奮  
翼效鵬搏火速題詩筆直走如追亡逋誌不偶持此  
問我同遊人風景宛然在目否

放言



淮陰立漢廷恥與絳灌伍元龍負豪氣不答許汜語  
咄哉彌正平人物有臧否大兒孔文舉小兒楊德祖  
君子擇交遊出處慎所與莫作隨風絮飄泊弗自主  
莫作逐浪萍無端爲散聚孤高縱招尤刑威藐鉞斧  
金石不可撓骯髒正氣吐唾彼紈袴兒紛紛何足數  
炎涼當世情翻雲更覆雨肝膽知誰是道誼輕毛羽  
獨往還獨來形影樂踽踽我非今之人抗心願希古

夜雨感懷

五

怡園

空階響疏雨宵長鍊寒聲點點心頭滴誰與話淒清  
清秋發慷慨斫地劍欲鳴有書不能讀有田不能耕  
抵世譏傲骨耐貧博廉名交遊凋老輩命提教後生  
繫匏拚捐棄抱璞恥鑽營士窮節義見我愛陶淵明  
連珠才華富我愧庾蘭成感極眠弗就苦吟剔短檠  
濕鼓搗半夜寒析叩殘更窗外蛩答語豆花開一棚

夜雨偶成

淡雲藹藹雨纖纖爲上書燈早下簾病蝶寒蠶終夜



語窗紗新透晚涼尖

秋海棠

流螢朗照夜妝新紅漬胭脂淚滿巾絕色從來須嫁  
晚名花到底不爭春霜迎預貯藏嬌屋風裊還防障  
面塵莫作徐娘遲暮感相憐合有款秋人

猛將行

塞上有猛將偃蹇未知名元戎麾下三十載執鞭控  
馬老氣橫燕領食肉班定遠猿臂善射李北平白草  
沙磧閒縱獵朔風謾謾吹冠纓中原一旦烽煙起妖  
食月黑天狼明怒濤澎湃迅雷吼海疆萬里吞鯨鯨  
八方徵軍飛羽檄星使絡繹出神京淮陰大梁俱不  
至畫角嗚咽漢家營咄哉將軍真健者據鞍顧盼請  
先行主帥激昂壯其志持節命典勤王兵詰朝誓師  
來酣戰天地慘淡鬼神驚直如魯陽揮戈挽落日陽  
光呼吸返銅鉦又如重瞳提師馳救趙但聞啞啞叱  
咤聲殺敵如草敵益眾征袍紅漬血班腥一軍奮與



羣雄抗虎狼兇鋒不可撓諸將壁上觀成敗竊笑孤  
掌總難鳴燕雲大小一百戰山崩地折力支撐隻手  
狂瀾挽子身天柱擎扈駕功第一關河闢榛荆魏絳  
重獻和戎策仁愿再築受降城從此將軍休戰事江  
海一覽洗澄清吁嗟乎將軍之勇霹靂爭將軍之心  
金石盟將軍之節光日月將軍之績垂丹青

放言

余眸子損明已數年矣一身將廢萬念俱冰

七

怡園

痛夙志之難償慨世風之日下人生到此夫  
復何言旣而因病成狂忽又轉悲爲喜不作

鄭五歇後竊學劉四罵人

閱不盡炎涼之醜態看不盡馳逐之澆風宵小道長  
君子窮貴人酷好諛灼天焰熊熊高材捷足者爭先  
快遭逢羅友送人拚鬼笑萬年教誥妙神通讀聖賢  
書學何事儒冠乃與巾幗同有丈夫兮不忍見雙目  
一旦忽矇矓胸無盲左癖耳無師曠聰矯矯隻身空



依傍誰復辨是猪與龍稿餓不食東陵膾奇貧何羨  
鄧氏銅甘與屠沽許意氣未肯俯首向茶傭摸稜宰  
相長樂老蠅營狗苟舉世宗偏我熟視若無覩轉少  
俗務累心胸自是天公玉成意得失何關塞上翁詩  
一卷酒一鍾科頭箕踞拭倦眼豁然一洗萬象空惟  
見雲中之鶴依孤松

與友人怡園會飲

霜前節候陡生涼雅集賓朋坐草堂空谷駒音歌永  
夕寥天雁信報重陽庭槐風緊篩寒籜盆菊秋深鍊  
晚香誼氣相投渾不醉漏聲三下更飛觴

九月九日友人招飲

重陽小約共銜杯熟客何須折柬催殺美卻因翻舊  
套酒香多爲發新醅寒衝夕照鴉羣亂澹寫秋雲雁  
字來瀛北無山可游目登高還上祭風臺

雜詩

米鹽瑣屑費支持壯不如人老可知白屋交情投契



少青衿文字博名遲消閒難覓糊心酒失着偏同敗  
局棋晨起何堪覽明鏡營生術拙愧鬢眉

一錢漫道阮囊空與我相衡是富翁瘦竹凍培三徑  
雪枯槐寒襲半窗風宵深倚枕商量夢歲暮圍鑪準  
備窮俯仰空嫌天地窄江湖何處集嗷鴻

雜詩四首

炎官擎火織氣燄燦紅塵大肆熬煎勢猶多附熱人  
黃雀處籠中人嘗供飲食無如野性成去住總難測  
唧唧秋蟲語宛如兒女聲怒蛙真健者敢作不平鳴  
盆荷親手種看葉不看花葉黯無光彩人誰樸素誇

晚晴野眺

雷轟粗雨漬芳田風裏敗雲飛野煙正是晦盲難辨  
處彩虹一道劃遙天  
裙腰着色綠成圍鵲語呼晴貼樹飛識路羣羊還自  
去牧童砍草戀斜暉

城南大半種高粱人荷鐵鋤鴉嘴長婦理晚炊兒餉



飯積霖初歇一村忙  
清輝漸透暮雲端翳障消磨月一丸絕好祭風臺上  
去人言高處不勝寒

苦雨

疑是諸天漏連宵雨未停瓦衝簷溜碎牀帶被潮腥  
噪水蛙真怒呼晴鵲不靈一燈明滅處兀坐盼晨星

秋夜

夢回酒醒夜方中啣啣牆根亂叫蛩月掛銀盆穿樹

怡園

白星流火箭射檐紅鍊成詩骨貧非病參透禪心色  
是空羽扇輕搖涼在手消除餘熱奪天土

補和梁麓庵

庚子閏八月麓庵賦感時七律二章余適在  
柘園郵筒見寄客中未及和也未幾麓庵竟  
逝今和局已定走筆爲此以誌太平且以安  
冥漠之良友云爾

妖氛徹夜照天狼浩劫從茲歎望洋滾滾中原成沸



鼎魚魚小醜預跳梁雲迷津樹烽煙起流亂潞河旌  
旆揚秦棧輜車開道路榛苓寄慨賦西方

元戎節鉞駐長安樽俎能聯萬國歡星耀三台資輔  
弼天留一老濟艱難郢都自免葉公冑漢制終存劉  
氏冠君在九泉知此否紫霄尅日聽鳴鑾

士



80

